

ԱՐՁԱՆԱԳՐՈՒԹՅՈՒՆ ԹԻՎ 59

**«ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ» ՀԻՄՆԱԴՐԱՄԻ ԻԶԵՎԱՆԻ ՄԱՍՆԱՃՅՈՒՂԻ
ԳԻՏԱԿԱՆ ԽՈՐՀՐԴԻ ՆԻՍՏԻ**

30-ը ապրիլի 2022թ.

Նիստին ներկա էր գիտական խորհրդի 35 անդամներից 30-ը:

Նիստը վարում էր գիտական խորհրդի նախագահ Ա. Հ. Մակարյանը, նիստի քարտուղարն էր Մ.Ս.Աթոյանը:

Գիտական խորհրդի նախագահ Ա.Հ. Մակարյանը բացելով գիտական խորհրդի նիստը, հայտարարեց քվեակազմի առկայության մասին և քվեարկության դրեց նիստի օրակարգը:

Օ Ր Ա Կ Ա Ր Գ

1. ԵՊՀ ԻՄ-ում հետազոտական աշխատանքների իրականացումից և գնահատումից ուսանողների բավարարվածության հարցման արդյունքների մասին:
/Զեկուցող ՄԿՈԱ բաժնի վարիչ Մ. Ճաղարյան/
2. ԵՊՀ ԻՄ «Ուսումնական գործընթացի կազմակերպման կարգի (նոր խմբագրությամբ)» հաստատում:
/Զեկուցող ՈԻՄՎ պետ Ա. Դավթյան/
3. Ընթացիկ հարցեր
 - 3.1. «Երևանի պետական համալսարան» հիմնադրամի Իջևանի մասնաճյուղի ուսանողների ինքնուրույն աշխատանքների կազմակերպման և կատարման կարգ»-ի հաստատում:
/Զեկուցող ԳԽ ՈԿ մշտական հանձնաժողովի նախագահ Ն. Գրիգորյան/
 - 3.2. «Երևանի պետական համալսարան» հիմնադրամի Իջևանի մասնաճյուղի վարչական, ինժեներատեխնիկական և ուսումնաօժանդակ անձնակազմի ատեստավորման կարգ»-ի հաստատում:
/Զեկուցող ԳԽ ՈԿ մշտական հանձնաժողովի նախագահ Ն. Գրիգորյան/
 - 3.3. «Երևանի պետական համալսարան» հիմնադրամի Իջևանի մասնաճյուղի ներքին աուդիտի անցկացման կարգի (նոր խմբագրությամբ)» հաստատում:
/Զեկուցող ՄԿՈԱ բաժնի վարիչ Մ. Ճաղարյան/
 - 3.4. «Երևանի պետական համալսարան» հիմնադրամի Իջևանի մասնաճյուղի կառուցվածքը հաստատելու մասին:
/Զեկուցող ԵՊՀ ԻՄ տնօրենի պաշտոնակատար Ա. Մակարյան/

Բաց քվեարկությամբ՝ 30 կողմ, 0 դեմ, 0 ձեռնպահ համամասնությամբ որոշվեց

ՈՐՈՇՈՒՄ

➤ Հաստատել նիստի օրակարգը:

Օրակարգի առաջին՝ «ԵՊՀ ԻՄ-ում հետազոտական աշխատանքների իրականացումից և գնահատումից ուսանողների բավարարվածության հարցման արդյունքների մասին» հարցի կապակցությամբ լսեցին ԵՊՀ ԻՄ ՄԿՈԱ բաժնի վարիչ Մ.Ճաղարյանի հաղորդումը .

Մ. Ճաղարյանը նշեց, որ 2021-2022 ուստարվա առաջին կիսամյակում տարբեր կրթական ծրագրերով մասնաճյուղի 4 ֆակուլտետների 16 կուրսերում՝ 27 մասնագիտական դասընթացների շրջանակներում իրականացվել են հետազոտական աշխատանքներ: Առաջին կիսամյակի քննաշրջանի ավարտից հետո, մարտի սկզբին, ուսանողների կրթական կարիքների վերհանման շրջանակներում, հարցման միջոցով ուսումնասիրվել է հետազոտական աշխատանքների կազմակերպումից և գնահատումից ուսանողների բավարարվածությունը:

Հարցմանը մասնակցել են հետազոտական աշխատանք իրականացրած 16 կուրսերի 56 ուսանողներ: Հետազոտության արդյունքների համեմատության և առավել իրական պատկեր ստանալու համար, հարցում է իրականացվել նաև հետազոտական աշխատանքները ղեկավարած դասախոսների շրջանում, որին մասնակցել են հետազոտական աշխատանքներ ղեկավարած 19 դասախոսներ:

Նշվեց, որ ուսանողներն ընդհանուր առմամբ բավարարված են հետազոտական աշխատանքի իրականացումից:

Այնուհետև ամփոփելով հետազոտական աշխատանքի իրականացումից և գնահատումից ուսանողների և դասախոսների բավարարվածության հարցման արդյունքները, Մ. Ճաղարյանը հստակեցրեց առկա խնդիրները, բաժնի առաջարկները և գործողությունների պլանը խնդիրների լուծման վերաբերյալ, որոնք մանրամասն կարող եք տեսնել Մ.Ճաղարյանի ամբողջական գեկույցում (տես հավելված 1):

Հետազոտական աշխատանքների իրականացումից և գնահատումից ուսանողների և ղեկավարների բավարարվածության հարցման արդյունքները ամբողջությամբ կարող եք տեսնել հավելված 2-ում:

Արտահայտվեցին –ԵՊՀ ԻՄ տնօրենի պաշտոնակատար Ա. Մակարյանը, Տուրիզմի և մշակութաբանության ամբիոնի վարիչի պաշտոնակատար Գ. Հովհաննիսյանը, Կիրառական արվեստի ֆակուլտետի ղեկանի պաշտոնակատար Վ. Աղաբաբյանը, Ընդհանուր մաթեմատիկայի և բնագիտության ամբիոնի վարիչի պաշտոնակատար Գ. Սիմոնյանը, Հայոց լեզվի և գրականության ամբիոնի վարիչի պաշտոնակատար Վ. Ավագյանը, և այլոք:

Մասնավորապես Ա. Մակարյանը նշեց, որ պրոֆեսորադասախոսական անձնակազմի հետ հանդիպումների ժամանակ վերոհիշյալ խնդիրները մասամբ ներկայացվել են նրանց, սակայն անհրաժեշտ է կազմակերպել լրացուցիչ հանդիպումներ ամբիոնի վարիչների, դասախոսների, ինչպես նաև ուսանողների հետ ավելի մանրամասն քննարկումների համար՝ առկա հակասությունները վերացնելու

համար: Հակասությունները մասամբ կվերանան նաև ԵՊՀ ԻՄ-ում ինքնուրույն աշխատանքների կատարման կարգը ընդունելուց հետո:

Նշեցին նաև, որ խմբային աշխատանքների դեպքում օբյեկտիվ գնահատումը բավականին բարդ խնդիր է, որը կարող է անդրադառնալ ռոտացիայի օբյեկտիվության վրա:

Կարևորեցին նաև ՈԻԽ-ը և ՈԻԳԸ-ը կազմակերպեն հանդիպում-քննարկումներ ուսանողների լայն շրջանակների հետ: Վ. Ավագյանը նշեց, որ անձանոթ՝ ծրագրով չնախատեսված նյութերը ուսանողները դժվարությամբ են յուրացնում:

Իսկ ուսանողները նշեցին, որ լինում են դեպքեր երբ ուսանողների կողմից ներկայացված կարծիքները տվյալ նյութի վերաբերյալ չեն ընդունվում դասախոսների կողմից:

Որոշեցին.

ՈՐՈՇՈՒՄ

- ԵՊՀ ԻՄ-ում հետազոտական աշխատանքների իրականացումից և գնահատումից ուսանողների բավարարվածության հարցման արդյունքների մասին հաղորդումն ընդունել **ի գիտություն:**

Օրակարգի երկրորդ՝ «ԵՊՀ ԻՄ ուսումնական գործընթացի կազմակերպման կարգի (նոր խմբագրությամբ) հաստատում» հարցի կապակցությամբ լսեցին ԵՊՀ ԻՄ ուսումնամեթոդական վարչության պետ Ա. Դավթյանի հաղորդումը:

Նա նշեց, որ 2022թ. ապրիլի 7-ի ԵՊՀ Գիտական խորհրդի նիստով հաստատվել է «Ուսումնական գործընթացի կազմակերպման կարգ»-ը: Նոր կարգը, որը գործելու է 2022-2023 ուսումնական տարվանից ընդունված ուսանողների համար, մեր կողմից տեղայնացվել է, կատարվել են հետևյալ փոփոխությունները՝ ավելացվել է «Իջևանի մասնաճյուղ»-ը, «Ռեկտոր»-ը փոխարինվել է «տնօրեն»-ով, «պրոռեկտոր»-ը՝ «փոխտնօրեն»-ով, գործընթացների համար պատասխանատու համալսարանական ստորաբաժանումների անվանումները փոխարինվել են մասնաճյուղի համապատասխան ստորաբաժանումներով:

Ա. Դավթյանը նշեց, 2-4 կուրսերի ուսանողների համար գործող «ԵՊՀ ԻՄ-ում բակալավրի և մագիստրոսի կրթական ծրագրերով ուսումնական գործընթացի կազմակերպման կարգ»-ի հետ համեմատած կան սկզբունքային տարբերություններ, մասնավորապես.

- 1) ուսանողի ուսումնական բեռնվածությունը և կրթական ծրագրի աշխատա-ծավալը կետում ավելացվել է մագիստրոսի կրթական ծրագրի 90 և 60 կրեդիտ աշխատածավալը, դրա հիմա վրա նաև ուսումնառության 1.5 և 1 տարի տևողությունը,
- 2) Կամընտրական դասընթացների ընտրության ընթացակարգի կետում ունենք փոփոխություններ,

- 3) 24 ենթակետում՝ ուսանողը կարող էր ընտրել 3 դասընթաց, այժմ ընտրում է 2-ը,
- 4) 26 ենթակետում նախատեսվում է «շարժունության պատուհան» 15 կրեդիտ աշխատածավալով առկա ուսուցման համակարգում 7-րդ կիսամյակում, իսկ հեռակա ուսուցման համակարգում 9-րդ կիսամյակում:
- 5) 27 ենթակետում չի նշվում թե քանի դասընթաց է ընտրում ուսանողը
- 6) 29 ենթակետում ավելացվել է 90 կրեդիտ տևողությամբ մագիստրոսի կրթական ծրագրի կամընտրական դասընթացներին ուսանողների գրանցման ժամանակահատվածը:
- 7) 5-րդ կետը ավելացել է՝ Հետազոտական աշխատանքի պատրաստումը և գնահատումը:
- 8) Գնահատման դրական նվազագույն շեմը նախորդի 8 միավորի փոխարեն սահմանվել է 10 միավոր:
- 9) Փոխվել է գնահատման արդյունաբար միավորի սանդղակը.

18-20՝ «Գերազանց»

14-17՝ «Լավ»

10-13՝ «Բավարար»

0-9՝ «Անբավարար»

Ըստ քննական ձևերի փոփոխվել են նաև գնահատման բաղադրիչները:

- 10) 59 ենթակետում՝ լաբորատոր աշխատանքների դեպքում կատարողականի 60%-ը փոխարինվել է 70%-ի:
- 11) 7-րդ կետում՝ փոփոխություն է քննությունների վերահանձնման և դասընթացների կրկնումը:
- 12) 83 և 84 ենթակետում՝ առանց եզրափակիչ գնահատման և առանց ընթացիկ քննությունների գնահատման բաղադրիչների վերահանձնում չի թույլատրվում:
- 13) 85. ենթակետում՝ բոլոր տեսակի դասընթացների համար սահմանված բոլոր բաղադրիչներից կիսամյակի ընթացքում 0 միավոր ստացած ուսանողը զրկվում է դրական միավորի հնարավորությունից, իսկ տվյալ դասընթացը համարվում է առարկայական պարտք,
- 14) 86 ենթակետում՝ բոլոր բաղադրիչներից կիսամյակի ընթացքում 0 միավոր ստացած ուսանողը կարող է մինչև ավարտական ուսումնական տարվա սկիզբը վճարովի հիմունքներով պետք է կրկնի դասընթացը և հանձնել քննությունները,
- 15) 92 ենթակետում՝ ավարտական աշխատանքի պաշտպանությանը չներկայացած կամ «անբավարար» գնահատված ուսանողը կարող է պաշտպանել նույն՝ նախկինում հաստատված կամ նոր հաստատված թեմայով:

16) 107 ենթակետում՝ կրթական ծրագրի ղեկավարը պետք է ունենա գիտական աստիճան,

17) 111 ենթակետում՝ կրթական ծրագիրն իրականացնող դասախոսական կազմը համաձայնեցվում է կրթական ծրագրի ղեկավարի հետ:

Արտահայտվեցին՝ ԵՊՀ ԻՄ տնօրենի պաշտոնակատար Ա. Մակարյանը, ՄԿՈԱ բաժնի վարիչ Մ. Ճաղարյանը, Ընդհանուր մաթեմատիկայի և բնագիտության ամբիոնի վարիչի պաշտոնակատար Գ. Սիմոնյանը, Տուրիզմի և մշակութաբանության ամբիոնի վարիչի պաշտոնակատար Գ. Հովհաննիսյանը, ՄԿՊԿ բաժնի վարիչ Լ. Բեգինյանը և այլոք:

Մասնավորապես Մ. Ճաղարյանը նշեց, որ կարգի 5-րդ աղյուսակը, որը վերաբերվում է մասնակցության համար հատկացվող միավորներին, մասնավոր դեպքի համար է և պետք է լինի ավելի ընդհանրական, Լ. Բեգինյանը նշեց, որ ուսումնական գործընթացի կազմակերպման կարգում **101-րդ կետը՝** «Մասնագիտությամբ աշխատող հեռակա ուսումնառության ուսանողն ազատվում է մասնագիտական պրակտիկայից՝ աշխատանքի վայրից ներկայացնելով համապատասխան տեղեկանք», անհրաժեշտ է փոխարինել պրակտիկայի կազմակերպման և անցկացման կարգի **17-րդ կետի** ձևակերպումով:

«Մասնագիտությամբ աշխատող ուսանողը կարող է մասնագիտական պրակտիկան անցնել իր աշխատավայրում՝ ներկայացնելով համապատասխան տեղեկանք», որպեսզի հակասություններ չլինեն երկու կարգերի միջև:

Գ. Հովհաննիսյանը նշեց, որ շարժունակության հետ կապված կարող են լինել ռիսկեր տվյալ մասնագիտությամբ անհրաժեշտ քանակով կրեդիտներ հավաքելու գործում: Ա. Մակարյանն առաջարկեց հստակեցնել աղյուսակ 5-ը և հաստատել կարգը՝ համաձայն հավելված 3-ի:

Բաց քվեարկությամբ՝ 25 կողմ, 0 դեմ, 2 ձեռնպահ, *որոշեցին*:

ՈՐՈՇՈՒՄ 59/1

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով, Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի «Ուսումնական գործընթացի կազմակերպման կարգը»՝ համաձայն հավելված 3-ի:
2. Սույն որոշումն ուժի մեջ է մտնում հրապարակման պահից:

Ընթացիկ հարցեր:

3.1. Լսեցին ««Երևանի պետական համալսարան» հիմնադրամի Իջևանի մասնաճյուղի ուսանողների ինքնուրույն աշխատանքների կազմակերպման և կատարման կարգի հաստատում» հարցի վերաբերյալ լսեցին ԵՊՀ ԻՄ գիտական խորհրդին կից որակի կառավարման մշտական հանձնաժողովի նախագահ (ԳԽ ՈԿ) Ն. Գրիգորյանի հաղորդումը:

Նշվեց, որ «ԵՊՀ ԻՄ-ի ուսանողների ինքնուրույն աշխատանքների կազմակերպման և կատարման» կարգը, որը մշակվել է Կրթական բարեփոխումների և դասախոսների վերապատրաստման բաժնի կողմից, քննարկվել է նաև Որակի կառավարման մշտական հանձնաժողովի մարտի 30-ի նիստում: Կարգը մշակվել է ղեկավարվելով՝ ԵՊՀ ԻՄ-ի 2016-2020 զարգացման ռազմավարական ծրագրի 1-ին նպատակի՝ (ՈՐԱԿՅԱԼ ԿՐԹՈՒԹՅՈՒՆ) 1.2. խնդրի 6-րդ կետի և ԵՊՀ ԻՄ –ի 2022-2026 զարգացման ռազմավարական ծրագրի 1-ին նպատակի՝ (Բարձրորակ կրթություն) 1.2. խնդրի 7-րդ կետի իրականացման հանձնարարությունից:

Սույն կարգով սահմանվում է «Երևանի պետական համալսարան» հիմնադրամի ուսանողների ինքնուրույն աշխատանքների նպատակը, խնդիրները, ձևերը և ինքնուրույն աշխատանքների կազմակերպչական-մեթոդական ապահովման սկզբունքները: «Երևանի պետական համալսարան» հիմնադրամի Իջևանի մասնաճյուղի ուսանողների ինքնուրույն աշխատանքի կազմակերպման և կատարման կարգը մշակված է «Երևանի պետական համալսարան» հիմնադրամի և «Երևանի պետական համալսարան» հիմնադրամի Իջևանի մասնաճյուղի կանոնադրությունների, «ԵՊՀ ԻՄ-ի բակալավրի և մագիստրոսի կրթական ծրագրերով ուսումնական գործընթացի կազմակերպման կարգի» հիման վրա:

Կարգում ներկայացված է ուսանողի ինքնուրույն աշխատանքի նպատակները, խնդիրները, կատարման սկզբունքները և տեսակները, ուսանողների ինքնուրույն աշխատանքների պլանավորումը, ուսանողների ինքնուրույն աշխատանքի կազմակերպչական-մեթոդական ապահովումը, ուսանողների պարտականությունները և իրավունքները, ուսանողների ինքնուրույն աշխատանքի ստուգման համակարգը, սույն կարգի հաստատման և փոփոխության կարգը:

Ներկայացված նախագիծը կարող էք տեսնել հավելված 4-ում:

Արտահայտվեցին ԵՊՀ ԻՄ ընդհանուր մաթեմատիկայի և բնագիտության ամբիոնի վարիչի ժամանակավոր պաշտոնակատար Գ. Միմոնյանը, Տուրիզմի կառավարման և մշակութաբանության ամբիոնի վարիչի ժամանակավոր պաշտոնակատար Գ. Հովհաննիսյանը և այլոք: Արտահայտվողները կարևորեցին ինքնուրույն աշխատանքների կանոնակարգման գործընթացը և նշեցին, որ այս բացը կար կրեդիտային համակարգի ներդրումից հետո:

Բաց քվեարկությամբ՝ 26 կողմ, 0 դեմ, 1 ձեռնպահ արդյունքներով, *որոշեցին*.

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով, Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի ուսանողների ինքնուրույն աշխատանքների կազմակերպման և կատարման կարգը՝ համաձայն հավելված 4-ի:
2. Սույն որոշումն ուժի մեջ է մտնում հրապարակման պահից:

3.2 Լսեցին «Երևանի պետական համալսարան» հիմնադրամի Իջևանի մասնաճյուղի վարչական, ինժեներատեխնիկական եվ ուսումնաօժանդակ անձնակազմի ատեստավորման կարգի հաստատում» հարցի վերաբերյալ ԵՊՀ ԻՄ ԳԽ ՈԿ մշտական հանձնաժողովի նախագահ Ն. Գրիգորյանի հաղորդումը:

Նա նշեց, որ «ԵՊՀ ԻՄ վարչական, ինժեներատեխնիկական և ուսումնաօժանդակ անձնակազմի ատեստավորման» կարգը մշակվել է Կրթական բարեփոխումների և դասախոսների վերապատրաստման բաժնի կողմից, քննարկվել Որակի կառավարման մշտական հանձնաժողովի 2022թ. մարտի 30-ի նիստում:

Կարգը մշակվել է ղեկավարվելով՝ ԵՊՀ ԻՄ-ի 2016-2020 զարգացման ռազմավարական ծրագրի 4-րդ նպատակի՝ (Մարդկային որակյալ ռեսուրսներ) 4.2 խնդրի (Մշակել և ներդնել վարչական, ուսումնաօժանդակ, ինժեներատեխնիկական տարակարգեր աշխատողների վերապատրաստման և ատեստավորման կարգ) և ԵՊՀ ԻՄ-ի 2022-2026թթ.զարգացման ռազմավարական ծրագրի 1-ին նպատակի՝ 1.4.3. խնդրի (Պարբերաբար իրականացնել ուսումնաօժանդակ և վարչական համակազմերի վերապատրաստումներ՝ հիմնված կարիքների գնահատման վրա և համահունչ ԵՊՀ ԻՄ զարգացման գերակայություններից) իրականացման հանձնարարությունից:

Կարգով սահմանվում է «Երևանի պետական համալսարան» հիմնադրամի Իջևանի մասնաճյուղի վարչական, ինժեներատեխնիկական և ուսումնաօժանդակ անձնակազմերի (այսուհետ՝ աշխատակիցների) ատեստավորման ընթացակարգը:

Կարգը մշակված է «Կրթության մասին» և «Բարձրագույն և հետբուհական կրթության մասին» ՀՀ օրենքների, ԵՊՀ և ԵՊՀ ԻՄ կանոնադրությունների, կրթության որակի բնագավառում ԵՊՀ ԻՄ-ի քաղաքականության, ԵՊՀ ԻՄ-ի (2022-2026թթ) զարգացման ռազմավարական ծրագրի ու ներքին կարգապահական կանոնների հիման վրա:

Կարգում ներկայացված են ատեստավորման նախապատրաստական աշխատանքների կազմակերպումը, ատեստավորման երկու ձևերը՝ փաստաթղթային և թեստային եղանակները, թեստավորման արդյունքների ամփոփումը,

ատեստավորման արդյունքների ամփոփումը, կարգի հաստատման և փոփոխության կարգը (տես հավելված 5):

Արտահայտվեցին ԵՊՀ ԻՄ տնօրենի պաշտոնակատար Ա. Մակարյանը, Ա. Դավթյանը, Վ. Աղաբաբյանը, Գ. Սիմոնյանը, Գ. Հովհաննիսյանը և այլոք:

Արտահայտվողները կարևորեցին այս փաստաթղթի առկայությունը և առաջարկեցին հաստատել:

Բաց քվեարկությամբ՝ 26 կողմ, 0 դեմ, 1 ձեռնպահ, *որոշեցին*.

ՈՐՈՇՈՒՄ 59/3

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով, Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել ««Երևանի պետական համալսարան» հիմնադրամի Իջևանի մասնաճյուղի վարչական, ինժեներատեխնիկական և ուսումնառժանդակ անձնակազմի ատեստավորման կարգը»՝ համաձայն հավելված 5-ի:
2. Սույն որոշումն ուժի մեջ է մտնում հրապարակման պահից:

3.3 Լսեցին ««Երևանի պետական համալսարան» հիմնադրամի Իջևանի մասնաճյուղի ներքին աուդիտի կարգի (նոր խմբագրությամբ) հաստատում» հարցի վերաբերյալ ՄԿՈԱ բաժնի վարիչ Մ. Ճաղարյանի հաղորդումը:

Նա ներկայացրեց ԵՊՀ ԻՄ-ի գիտական խորհրդի 2014 թվականի դեկտեմբերի 25-ի նիստում հաստատված «ԵՊՀ Իջևանի մասնաճյուղի ներքին աուդիտի անցկացման կարգ»-ում առաջարկվող փոփոխությունները:

Մասնավորապես, հստակեցվել են հավելվածները և նրանց հղումները:

«3.1. Ներքին աուդիտի միջավայրն ընդգրկում է ներքին աուդիտի ենթակա բոլոր հնարավոր գործառույթները, առաջադրանքներն ու գործընթացները», ձևակերպվել է հետևյալ կերպ՝ «3.1. Ներքին աուդիտի միջավայրն ընդգրկում է Մասնաճյուղի կառուցվածքային ստորաբաժանումների կողմից իրականացվող բոլոր գործընթացները, առաջադրանքները և ծրագրերը»:

«4.2. Ներքին աուդիտի անցկացման պարբերականությունը որոշում է մասնաճյուղի ղեկավարությունը, առնվազն տարին մեկ անգամ՝ յուրաքանչյուր ստորաբաժանման համար: Ներքին աուդիտ կարող է անցկացվել նաև սահմանված ժամանակացույցից դուրս՝ պայմանավորված՝

- 1) գործընթացների և նրանց արդյունքների անհամապատասխանությամբ,
- 2) կրթական ծառայությունների փոփոխություններով,
- 3) մասնաճյուղի կառուցվածքային կամ կառավարման համակարգերի, հիմնարար փաստաթղթերի փոփոխություններով,

- 4) շահակիցների դժգոհությունների թվով ու լրջությամբ,
- 5) ստորաբաժանման ղեկավարի պահանջով»

ձևակերպվել է.

«4.2. Յուրաքանչյուր ստորաբաժանման, գործընթացի և ծրագրի ներքին աուդիտի անցկացման պարբերականությունը որոշում է մասնաճյուղի տնօրենը՝ ներքին աուդիտի հանձնաժողովի հետ միասին:

4.3. Աուդիտի հանձնաժողովը յուրաքանչյուր ուսումնական տարվա սկզբին կազմում է Աուդիտի ծրագիր և նրա իրականացման պլան-ժամանակացույց (**Հավելված 3**) և ներկայացնում տնօրենի հաստատմանը:

4.4. Ներքին աուդիտ կարող է անցկացվել նաև սահմանված ժամանակացույցից դուրս՝ պայմանավորված՝

- 1) Մասնաճյուղի գործունեության գնահատման առանցքային ցուցանիշների համալրման արդյունքում գրանցված ցածր ցուցանիշների առկայությամբ,
- 2) Մասնաճյուղի զարգացման ռազմավարական ծրագրի կատարողականի գնահատման կամ Մասնաճյուղի ինստիտուցիոնալ ինքնագնահատման արդյունքում բացահայտված խնդիրների առկայությամբ,
- 3) գործընթացների և նրանց արդյունքների անհամապատասխանությամբ,
- 4) կրթական ծառայությունների փոփոխություններով,
- 5) Մասնաճյուղի կառուցվածքային կամ կառավարման համակարգերի, հիմնարար փաստաթղթերի փոփոխություններով,
- 6) շահակիցների արձագանքներով,
- 7) ստորաբաժանման ղեկավարի պահանջով: »

Ավելացվել են նոր կետեր, և հավելվածներ: Խմբագրված կարգը կարող էք տեսնել հավելված 6-ում:

Արտահայտվեցին ԵՊՀ ԻՄ տնօրենի պաշտոնակատար Ա. Մակարյանը, ԵՊՀ ԻՄ ընդհանուր մաթեմատիկայի և բնագիտության ամբիոնի վարիչի ժամանակավոր պաշտոնակատար Գ. Սիմոնյանը և այլք:

Առաջարկվեց տեղերով փոխել 4.7 և 4.8 կետերը, իսկ ամբիոնների աուդիտները անցկացնել հունիսի վերջին:

Բաց քվեարկությամբ՝ 26 կողմ, 0 դեմ, 1 ձեռնպահ, *որոշեցին*

ՈՐՈՇՈՒՄ 59/4

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 4-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 4-րդ ենթակետով, Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի ներքին աուդիտի անցկացման կարգը (նոր խմբագրությամբ)՝ համաձայն հավելված 6-ի:
2. Ուժի կորցրած ճանաչել ԵՊՀ ԻՄ գիտական խորհրդի 2014 թվականի դեկտեմբերի 25-ի թիվ 7/5 որոշմամբ հաստատված «Երևանի պետական համալսարանի Իջևանի մասնաճյուղի ներքին աուդիտի կարգը»:
3. Սույն որոշումն ուժի մեջ է մտնում հրապարակման պահից:

3.4 Լսեցին «Երևանի պետական համալսարան» հիմնադրամի Իջևանի մասնաճյուղի կառուցվածքը հաստատելու մասին լսեցին ԵՊՀ ԻՄ-ի տնօրենի պաշտոնակատար Ա.Մակարյանի հաղորդումը:

Նա նշեց, որ հետևելով ԵՊՀ-ի ռեկտոր Հ.Հովհաննիսյանի՝ ԵՊՀ կառուցվածքային ստորաբաժանումների անմիջական ղեկավարում իրականացնելու լիազորություններ սահմանելու մասին հրամանին՝ Իջևանի մասնաճյուղի տնօրենի պաշտոնակատարի կողմից տրվել է նմանատիպ հրաման, որի համաձայն՝ կառուցվածքային սխեմայում կատարվել են փոփոխություններ՝ ըստ տնօրենի և փոխտնօրենի ենթակայության ոլորտների:

Արտահայտվեցին Վ. Աղաբաբյանը, Ա. Դավթյանը և այլք:

Առաջարկվեց Կիրառական արվեստի ֆակուլտետի 2 արվեստանոցը (Քանդակի և Փայտի գեղարվեստական մշակման) տեղափոխել մյուս ամբիոնի (Դեկորատիվ-կիրառական արվեստի և դիզայնի) ենթակայության տակ, ՈւՄՎ ուսումնական գործընթացի կազմակերպման բաժնի անվանման մեջ ավելացնել «վերահսկման» բառը:

Բաց քվեարկությամբ՝ 26 կողմ, 0 դեմ, 1 ձեռնպահ, *որոշեցին*

ՈՐՈՇՈՒՄ 59/5

Ղեկավարվելով «Երևանի պետական համալսարան» հիմնադրամի Իջևանի մասնաճյուղի կանոնադրության 21-րդ կետի 16-րդ ենթակետով և Երևանի պետական համալսարանի գիտական խորհրդի կանոնակարգի 4-րդ կետի 16-րդ ենթակետով, Երևանի պետական համալսարանի Իջևանի մասնաճյուղի գիտական խորհուրդը որոշում է.

1. Հաստատել «Երևանի պետական համալսարան» հիմնադրամի Իջևանի մասնաճյուղի կառուցվածքը համաձայն հավելված 7-ի:
2. Սույն որոշումն ուժի մեջ է մտնում հրապարակման պահից:

ԳԻՏԱԿԱՆ ԽՈՐՀՐԴԻ ՆԱԽԱԳԱՀ _____ Ա. Հ. ՄԱԿԱՐՅԱՆ

ԳԻՏԱԿԱՆ ԽՈՐՀՐԴԻ ՔԱՐՏՈՒՂԱՐ _____ Մ. Ս. ԱԹՈՅԱՆ